



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author. 以下剧本只作参考用途，如欲采用或改编，须先取得作者同意。

Name of School : DELIA MEMORIAL SCHOOL (HIP WO)

学校名称 : 地利亚修女纪念学校 (协和)

Name of Play 剧名 : 童真不再

Script writer 剧作者 : 黄子墨、易思娜、冼朗婷、钟欣彤、邓竣升

Synopsis 故事大纲 :

平凡但快乐的生活，相信大家都向往，这个家庭也不例外！为了让家庭有舒适的生活，爸妈被工作的压力影响常常吵架……女儿想让爸妈和好，却在一次意外…….



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author. 以下剧本只作参考用途，如欲采用或改编，须先取得作者同意。

第一场：车祸

（童童正在游乐场门前等待父母）

（灯亮）

（游乐场音乐起）

童：点解 **Daddy** 妈咪咁耐都未嚟慨.....

卖气球叔叔：行过路过唔好错过呀！

童：（望到对面有气球），嗰啲系咩嚟㗎？系彩色气球呀，如果买比 **Daddy** 妈咪，佢哋实会开心番啫.....我要买黄色嗰个！（冲过马路）

（车祸声效）

卖气球：喂喂喂？999 系咪呀？呢度有车祸呀！

（播放影片）

（手术室急救画面）

（背景灯光亮）

医生：我哋已经尽晒力，家属.....请节哀顺变。（面向护士）抢救无效，死亡时间为下午 4 时 25 分 37 秒。

父：医生！李乐童啊！你有冇 **check** 清楚我哋个女李乐童啊？

母：死亡？唔会㗎！爸爸，今朝童童仲一齐同我哋食早餐，点会突然死咗？

医生：请节哀顺变，你哋都系帮死者处理身后事啦。

（医生离场）

父：你冷静啲！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author. 以下剧本只作参考用途，如欲采用或改编，须先取得作者同意。

母：冷静啲咩啊！我哋而家就去搵童童，童童一定仲喺游乐场等紧我哋

父：冷静啲啦！个女已经死咗啦！

童灵魂：妈咪，我喺度啊，我唔系应该喺游乐场慨咩？爹哋妈咪，我哋一齐去买气球啊，我见到有个气球好靚㗎，daddy！妈！你哋听唔听到呀！点解唔应我慨！

母：冇咗童童点算呀.....

童灵魂：妈咪唔好喊啦（尝试拥抱妈咪）点解揽唔到妈咪慨？妈咪你听唔听到我讲嘢啊，你应下我啦！我好惊啊（转向并拥抱爸爸）daddy！点解你哋都唔应我？你哋应下我啦！我喺度啊！

（开始崩溃）我好惊啊！爹哋妈咪我好惊呀！

（灯暗）

（童童在黑暗与光明之间徘徊，恐惧片段入）



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author. 以下剧本只作参考用途，如欲采用或改编，须先取得作者同意。

第二场：平淡生活

母--- 白恤衫、西裤、围裙； 女--- 校服； 爸--- 白恤衫、校裤、马甲

（时空回到童童的记忆里）

（家中）（灯亮）

母：起身啦起身喇，七点钟喇！

童：而家先至六点，再瞓多 5 分钟啦。

母：快啲去刷牙，再唔起身就要迟到喇！

童：嚟.....啦(伸懒腰、打喊路)

母：快啲出嚟着衫，今日冻，着多条厚啲慨裤。

童：唔要呀唔要呀唔要呀 (快速及由强至弱)，好丑样呀，同学会笑我架！

母：快啲，唔好再扭计啦，叫你着就着！

母：我为你好咋！

童：妈咪你有冇见过我书包？

母：成日系到问，你自己去搵喇。

父：(躺在沙发上) 食咗早餐先喇，一阵间再讲啦！

母：食食食，一日到黑，就知道食！童：妈咪煮慨一定系色香味俱全，一闻到个肚就打晒鼓。

母：你呀，成日净系讲埋啲没用慨嘢！（偷笑）

童：Daddy 都系咁谗㗎，唔通唔系咩？

父：真系太好味啦！以后食唔到点算呀？（夸张）

童：Daddy 我准备好，可以出门口啦。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author. 以下剧本只作参考用途，如欲采用或改编，须先取得作者同意。

父：咁叻，但系等等先，(转向妈妈，拿出盒子) 你睇吓哩个系？

母：算你啦，记得我们慨周年紀念，但系又系气球？

父：你唔记得啦？呢样野对我哋好重要架！

母：记得，黄色气球啊嘛，我就系因为哩个气球被你呃走！哈哈哈哈哈哈哈哈哈哈！童：哦！Daddy 呃妈咪！

母：好啦好啦，快啲出门口啦，唔系迟到㗎喇！

父：系喎，童童行啦！

童：差你咋，daddy！

(灯暗)